



SIARAN AKHBAR

KEMENTERIAN LUAR NEGERI, MALAYSIA

UNTUK SIARAN SERTA-MERTA

PENYALURAN BARANG-BARANG BANTUAN KEMANUSIAAN KE SYRIA

Sumbangan bantuan kemanusiaan sebanyak 42 tan dari Malaysia kepada rakyat Syria yang terkesan akibat tragedi gempa bumi telah sampai di Lapangan Terbang Antarabangsa Aleppo, Syria pada 24 Februari 2023.

Penyaluran sumbangan ini adalah hasil kerjasama erat antara Kerajaan Malaysia dan Kerajaan Emiriah Arab Bersatu (UAE). Kesemua sumbangan ini telah dihantar menggunakan dua (2) penerbangan khas daripada Angkatan Tentera Malaysia (ATM) A400M dan pesawat sewaan khas dari Persatuan Bulan Sabit Merah UAE (ERC). Butiran sumbangan yang dibawa adalah:

- (i) empat buah generator;
- (ii) ubat-ubatan;
- (iii) khemah, karpet dan *indoor separators*;
- (iv) kelengkapan perlindungan diri (*personal protective equipment*);
- (v) pakaian & selimut;
- (vi) barangan keperluan bayi; dan
- (vii) makanan siap sedia untuk dimakan (*ready-to-eat*).

Terdahulu, sumbangan awal satu (1) buah generator berkapasiti 110kV telah disalurkan kepada Syria hasil kerjasama Pasukan Peninjau Khas Malaysia ke Syria yang diketuai oleh YBhg. Dato' Norman Muhamad, Timbalan Ketua Setiausaha Hubungan Dua Hala, Kementerian Luar Negeri dan Kedutaan Besar Malaysia di Beirut, Lebanon. Generator tersebut telah diserahkan oleh Datuk Samir AlKour, Konsul Kehormat Malaysia di Syria kepada TYT Hussein Makhoul, Menteri Kerajaan Tempatan dan Alam Sekitar Syria pada 22 Februari 2023.

Sumbangan kemanusiaan 42 tan dari Malaysia ini akan diuruskan oleh pihak Bulan Sabit Merah Syria (SARC) dan *International Committee of the Red Cross* (ICRC). Ini berdasarkan keperluan mendesak mangsa-mangsa gempa bumi hasil laporan penilaian Pasukan Peninjau Malaysia yang telah mengadakan sesi libat urus dengan wakil kerajaan Syria serta pihak-pihak yang berkenaan dalam misi khas dari 15 ke 19 Februari 2023 yang lalu.



WISMA PUTRA

Kerajaan Malaysia terus cekal dan komited dalam usaha penghantaran bantuan kemanusiaan kepada mangsa-mangsa gempa bumi di Syria. Ia akan berpandu kepada laporan komprehensif daripada Pasukan Peninjau Khas bagi memastikan sumbangan kemanusiaan dari Malaysia termasuklah daripada NGO akan memenuhi keperluan mangsa-mangsa yang terkesan dengan tragedi gempa bumi di Syria.

PUTRAJAYA

25 Februari 2023